

摘藻堂四庫全書薈要

史部

欽定四庫全書叢要

史部

御批歷代通鑑輯覽卷一百六

詳校官候選知縣臣吳甫華



欽定四庫全書薈要卷七千五百五十九

御批歷代通鑑輯覽卷一百六

明

皇帝

成化十年春正月命王越總制三邊

刑部主事張鼎

河南信陽人

言延綏甘肅寧夏三邊鎮撫

不相統一宜推文武重臣一人總制詔從其請因設制府于固原即以越為之巡撫總兵而下並聽節制

三邊設總制自此始

三月罷總督兩廣右都御史韓雍

中官黃沁鎮守廣西雍不為禮又自奉尊嚴三司皆

長跪白事布政使何宜

福清人

副使張敷皆銜之會柳

尋蠻陷懷集

注見前

兵部劾雍失機沁亦訐雍濫賞費

財帝遣官往勘宜敷因釀成其罪帝命致仕去

雍用兵兩

廣躬親矢石軍門設銅鼓十儀節詳密裨將以下紀押無所假令行禁止寇盜寢息鎮守中官素驕恣亦

惕息無敢肆既去粵人念其功立祠祀馬雍歸五年卒于家正德中追謚襄毅

夏閏六月築邊牆

初余子俊上言三邊惟延慶地平易利馳突寇屢入  
犯獲邊人為導徑入河套自是寇顧居內我反屯外  
急宜于沿邊築牆置堡況今舊界石所在多高山陡  
崖依山形隨地勢以成邊牆于事為便時尚書白圭  
以陝民方困奏緩其役既而寇入孤山堡

在葭州府  
谷縣西北

復犯榆林據河套歲發兵征討卒無功八年秋子俊  
復言曰今征套士馬屯延綏者八萬芻茭煩內地若

今冬寇不北去又須備來年軍資約八百二十五萬  
公私煩擾至此安得不變計請于明年春夏寇馬疲  
乏時役陝西運糧民夫給食興工期兩月畢事帝從  
之會王越龍衣虜紅鹽池事具前患少息子俊得一意興

役東起清水營

在府谷縣東北

西抵花馬池

注見前

延袤千七

百七十里

鑿崖築牆掘壑其下連比不絕每二三里置敵臺崖砦備巡警又于崖砦空處築短

牆橫一斜二如置狀以瞭敵避射

凡築城堡十一邊墩十五小墩七

十八崖砦八百十九役軍四萬人三月而成牆內

地悉分屯墾歲得糧六萬餘石

秋九月癸丑朔日食

冬十月都督同知李文等進兵討土魯番不克引還

李文等引兵至布隆吉爾川

在今安西府淵泉縣西北流逕敦煌縣入于哈

喇諾爾按布隆吉爾川舊作卜隆吉兒川今改謀報阿里集衆抗拒且結別

部謀掠罕東赤斤二衛文等不敢進令二衛還守本

土哈商及默克里輝和爾之衆

明史哈密傳哈密種落有三一曰回回一

曰輝和爾一曰哈勒琿其頭目各不

退居苦峪

注見前

明代財用不足  
由于工不知府  
藏之數臣下遂  
得肆其私竊乾  
沒使能慎數三  
平時復加之制  
節謹度何遽至  
於入不敷出迨

文等亦引還肅州土魯番知中國不足憚遂久據哈

密朝廷因令邊臣築苦峪城移哈密衛于其地給米

布賜穀種命哈商主國事焉

事在十三年

## 十二月罷採金

時內費日侈帑金不足用命湖廣寶慶

宋以邵陽郡置府元為路

明仍為府今府屬湖南

等郡開採歲役五十五萬人死者無算

僅得金三十餘兩乃從撫臣言已之

乙未  
十一年春三月少保文淵閣大學士彭時卒

諡文憲

國月告遷而欲  
取資山澤非特  
賜竭掘井後不  
從待且以杯水  
沃輿薪亦何濟  
于當哉至湖廣  
一隅之虞問採  
下過高地施功  
何至投夫五千  
五萬而所得金  
僅三十餘兩精  
一歲之費不足  
以償勞費是官  
吏之滿庖中飽  
皆不可知而民  
之困役死亡困

時與萬安同在閤帝急于政大臣希得見安結中官

戚畹上下壅隔時頗懷憂每上言或留中或下所司

多不見用時悵悵不得志屢請疾在告至是力懇放

還不許加少保未幾卒贈太師

時立朝三十年致政奉國特正存大體有

所論薦不使人知燕居無情容非其義不取有古大臣風

以吏部左侍郎劉珝

字叔溫壽光人

禮部右侍郎劉吉

字祐之博野人

並兼翰林學士入內閣預機務

珝先以舊宮僚晉官直經筵日講每進講反覆問道

累滋甚寔察此  
舉山下文病可  
謂脉于治理矣

詞氣侃侃劉定之稱為講官第一帝亦愛重之入閣  
後每呼東劉先生珝性疎直言則多智數與萬安比  
乾清宮門災

夏五月始召見皇子于西內

帝自悼恭太子薨常鬱鬱不樂一日召太監張敏櫛  
髮照鏡嘆曰老將至而無子敏伏地曰萬歲已有子  
也帝愕然曰安在敏叩頭對曰奴言即死萬歲當為  
皇子主于是太監懷恩高密人頓首曰敏言是皇子潛養

王子生已六年  
心宗竟毫無聞  
尤即昏憤不應  
上此照鏡竄老  
之事或由傳聞  
已甚亦未可知  
但既迎皇子至  
則事已彰著定

西內今已六歲匿不敢聞耳帝大喜即日幸西內遣

使迎皇子紀妃抱皇子泣曰兒去吾不得生兒見黃

袍有鬚者即兒父也衣以小緋袍乘小輿擁至堦下

髮披地

時胎髮  
猶未剪

走投帝懷帝置之膝撫視良久悲喜

泣下曰我子也類我使懷恩赴內閣具道其事羣臣

皆大喜懷恩並傳帝意欲宣示外廷商輅曰當降勅

禮部以定名為辭于是廷臣相率稱賀帝即命皇子

出見廷臣越數日帝復召閣臣問曰皇子既出將何

石出間一切自有常儀何轉向間臣高處之之秉憲宗庸懦無能此等事猶不免自主其他尚足問乎

以處之輅頓首曰陛下踐祚十年儲副未立天下引領望久矣當即立為皇太子安中外心帝頷之遂足名祐禋頌詔中外

### 六月皇子母紀氏暴卒

先是帝召見皇子留宮中而紀妃仍居西內大學士商輅恐有他患而難以顯言偕同官上疏曰皇子聰明岐嶷國本攸繫重以貴妃保護恩踰已出但外議謂皇子母因病別居久不得見宜移就近所俾母

子朝夕相接而皇子仍藉撫育于貴妃宗社幸甚紀  
妃遂移居永壽宮數召見萬貴妃日夜怨泣曰羣小紿  
我至是妃暴薨或曰萬貴妃使使賜死或曰自縊太監張敏懼亦吞  
金死

秋八月浚通惠河

通惠河即元大通河郭守敬所鑿事具前亦名潞河洪

武時廢永樂中修治復湮前五年漕運總兵明史職官志漕

運總兵官一人統領官軍專督漕運楊茂言自張家灣在通州南為南  
北水陸要道

舍舟車轉至都下僱直不償通州至京舊有通惠河

水道石牀尚存修牕瀦水用小舟剥運便帝遣尚書

楊鼎

字宗器陝西咸陽人

相度上言舊牕二十四通水行舟但

元時水在宮牆外舟得入城今水由皇城金水河出

故道不可復行請濬玉泉

注見前

龍泉及月兒柳沙諸

泉水使入西湖

在宛平縣玉泉山下水經注西湖潒開水澄澹川亭望遠為遊矚之勝所

分水青龍牕引諸水從高梁河

注見前

分其半由金水

河出餘從都城外濠流轉會正陽門併流大通橋

牯河隨旱澇啟閉則糧艘可近倉甚便帝善其議以

災異工未及舉至是命平江伯陳銳等督漕卒疏浚

明年六月訖工濬泉三增牯四漕舟稍通

是時于元所引昌平

白浮諸泉俱遏不行獨引一西湖又僅分其半河窄易盈涸不二載淺塞如故

們都埒伽嘉色凌遣使入朝

初伽嘉色凌以女妻們都埒故立為汗及是俱遣使

入貢已而伽嘉色凌專恣日甚們都埒部陀羅該舊

脫羅干 伊斯瑪音

舊作亦思馬因今並改後倣此

等謀殺之未幾們都

金史紀事本末卷一百一  
堽亦死諸強酋相繼畧盡邊人稍得息肩

九月丁未朔日食

冬十一月立子祐禪為皇太子

時皇太后居仁壽宮語帝曰以兒付我太子遂居仁  
壽一日貴妃召太子食太后謂曰兒去無食也太子  
至貴妃治食曰已飯進羹曰疑有毒貴妃曰是兒數  
歲即如是他日魚肉我矣因恚成疾

以朱英

字時傑桂陽人

總督兩廣軍務

自韓雍大征諸蠻以來將帥喜邀功利浮掠名為鵬

勦英至鎮以寧靜約飭將士毋得張賊聲勢妄請用

師招撫犴獐效順者定編戶給復三年于是馬平隋縣

今屬柳陽朔亦隋縣以陽朔山得名今屬桂林府蒼梧注見前諸縣蠻悉

望風附而荔波明洪武中置縣今屬慶遠府賊李公主有衆數萬

久負固亦遣子納款為置永安州本唐蒙州今屬平樂府處之

俾其子孫世為吏目自是歸附日衆凡為戶四萬三

千有奇口十五萬有奇帝甚嘉之

景泰之立既不  
以正旦七年中

十二月改謚郕戾王為景皇帝

初荆門州訓導高瑤

字庭堅閩縣人

上言正統己巳之變先

不能以敬共友  
愛曲全大倫致  
成奪門之舉雖  
由于小人貪功  
故覺而積難生  
變禍固自招但  
徐有良策久經  
委質稱臣廢其  
爵祿乃于廢然  
之際痛肆詆譏  
並具蒙以象犧  
愿詣于清室  
非所宜宜宗能  
不以前事介懷  
議後帝號嘉命  
加謚修陵詔旨

帝北狩宗社危如一髮使非郕王繼統國有長君則  
禍亂何由平鑒輿何由返六七年間海宇寧謐厥功  
不小迨先帝復辟貪天功者遂加厚誣使不得正其  
終節惠躋祀未稱典禮望勅禮官追加廟號以盡親  
親之恩章下廷議久不決左庶子黎淳

湖廣岳州人

言昌

邑既廢不聞復為漢某帝更始既廢不聞復為漢某

必諱然仁義于  
京泰氣親親之  
問于安宋成趙  
述之大可稱今  
平黎漢妻欲盡  
項帝恩報引漢  
當邑更始為比  
擬不于倫其心  
術尚可問耶

王瑤此言有死罪二一誣先帝為不明一陷陛下于  
不孝此必有小人主之者不然彼草茅疎遠安敢妄  
言帝曰景泰往事朕未嘗介意淳又欲獻媚希恩邪  
切責之議亦遂寢其後御史楊守隨字維貞  
鄧人亦言邨  
王有功社稷請改謚帝下廷議大學士輅極言當復  
至是乃下詔曰朕叔邨王踐祚戡亂保邦奸臣讒搆  
請去帝號先帝旋知其枉深懷悔恨以次抵諸奸于  
法不幸上賓未及舉正朕敦念親親用成先志邨王

可仍舊皇帝號尋上尊謚曰恭仁康定景皇帝令所  
司修飭陵寢

丙申十二年春正月南京陰霾地震

勅羣臣修省

二月乙亥朔日食

夏五月命副都御史原傑撫治荆襄流民

初白圭既平劉通荆襄流民屯結如故通黨李原等

寇掠南漳內鄉

注俱見前

諸縣帝命項忠討之忠遣人入

此民屯聚為盜  
回法所必誅但  
既戮其渠魁擒  
其支黨其餘從  
惡者亦當分殺  
嚴懲若無辜之  
衆自應垂鑒善  
後之宜使咸知  
安生理而受納  
末始可以永靖  
亂源頃患乃手  
九十萬人漫無  
區別非成即驅  
下前者輒行擄  
殺處置實為失  
當使非原傑撫

山招諭流民先後來歸者九十萬原等亦以次就擒

忠戶選一丁充戍湖廣邊衛餘令歸藉給田民有自  
洪武中占籍者有司一切驅迫不前即殺之其戍

者每行多疫死言官劾忠妄殺尚書白  
主亦言流民宜隨在著藉帝皆不聽  
至是流民復

聚朝廷以為憂祭酒周洪謨  
字堯弼長寧人著流民說畧言

東晉時廬松之民流至荊州乃僞置松滋縣于荆南

舊唐書地理志荊州松滋本漢縣名屬廬江郡晉  
時松滋人避亂至此乃僞立松滋縣因而不改  
陝

西雍州之民流聚襄陽乃僞置南雍州于襄其後

松滋遂隸于荊州南雍遂併于襄陽  
今襄陽府南北  
朝時為南雍州

終者籍控畝有  
方其何由使流  
民永遠寧居不  
且激而致變乎

今當增置郡縣聽附藉為編氓可實襄鄧戶口都御

史李賓

順義人

善其說聞于帝帝然之遂命傑出撫傑

徧歷山溪宣朝廷德意諸流民欣然附藉于是大會

湖廣河南陝西撫按官藉之得戶十一萬三千有奇

口四十三萬八千有奇其初至無產及頑梗不率者

驅還其鄉附籍者用輕則定田賦民大悅因相地勢

以襄陽所轄鄖縣

舊曰鄖鄉元改鄖縣明初屬均州

居竹

即竹山明初省尋復

置

房

即房縣注見前

上津

西魏縣今省

商

即商州注見前

洛

即洛南隋縣今屬商州

諸縣中道路四達且去府治遠山林深阻將吏鮮到

猝有盜賊難遙制乃拓其城置鄆陽府以縣附之置

湖廣行都司增兵設成

析竹山置竹谿析鄆置鄆西析漢中之洵陽置白河與竹

山上津房咸隸新府又于西安增山陽南陽增南召相柏汝州增伊陽各隸其州府制既定薦鄧州知州

吳遠為鄆陽知府諸縣皆擇鄰境良吏為之流人得所四境乂安洵陽漢縣今與白河俱屬興安州山

陽今屬商州吳遠安福人將還以地界湖廣河南陝西事無統紀

因薦御史吳道宏

宜賓人

自代詔即擢道宏大理寺少

卿撫治鄆陽襄陽荊州南陽西安漢中六府鄆陽有

撫治自此始

傑以功進右都御史  
踰年卒部民為立祠

秋七月黑青見

有物金睛修尾狀如犬狸負黑氣夜入民家至則人  
昏迷徧城驚擾男女露處帝常朝奉天門侍衛見之  
而譁頃之乃定帝于禁中祭告天地以四事自責用

度不節二工役勞民三忠  
言不聞四仁政不施

大學士商輅疏弭災八事曰

番僧國師法王母濫賜印章四方常貢外勿受玩好  
許諸臣直言分遣部使錄囚省冤獄停不急營造實

三邊軍儲守沿邊關隘設雲南巡撫帝優詔褒納  
九月令太監汪直刺事

妖人李子龍以符術結太監韋舍私入大內事發伏  
誅帝心惡之銳欲知外事太監汪直故大藤峽徭種  
初給事萬妃于昭德宮遷御馬監為人便黠帝因令  
易服將校尉一二入密出伺察人莫知也獨都御史  
王越與結歡

冬十月京師地震

十一月四川巡撫張瓚

字宗器  
孝感人

討灣溪

蠻寨名地在今  
平越府黃平州重

安廢  
司境

蠻破之尋命瓚兼督松潘等諸軍務討叛番

先是播州致仕宣慰楊輝言所屬天壩干

蠻寨名地  
在今遵義

府播州  
廢司境

地及重安長官司所轄灣溪等寨屢被生苗

竊據請王師進討詔瓚親至播州諭還侵地不服即

征之

事在  
十年

至是瓚督兵攻敗諸苗奏設安寧宣撫司

即以輝子友為之詔從其請會松潘番寇邊西鄙繹

騷令瓚兼督松茂安綿建昌諸軍務瓚至軍審度形

勢令副總兵堯或軍松潘參將孫曷軍威疊為夾攻

計修河西舊路作浮梁治月城避偏橋棧道軍獲安

行轉餉無阻既而瓚自率兵攻白草壩

番寨在龍安府平武縣西

南唐吐番遺種最為強悍

等數大寨斬獲無算徇茂州疊溪所過

降附賊魁皆殲先後破滅五十二砦其他一百五砦

悉獻馬納款諸番盡平留兵戍要害乃班師

在十四年

大學士商輅等進續資治通鑑綱目

初景泰中詔纂宋元綱目會英宗復辟事遂寢及帝

即位復命商輅等修之至是書成輅等奉表以進凡二十七卷帝為之序

以戶部侍郎王恕巡撫雲南

大學士商輅先已請設雲南巡撫又以鎮守中官錢能縱恣不法議遣大臣有威望者往鎮壓之乃以恕為右都御史以行先是能遣指揮郭景奏事京師詐言安南捕盜兵入境帝即命景齎敕戒約之舊制使安南必由廣西而景直自雲南往能因遺安南王王

帶絲繒珍奇諸物紹其貢使改道雲南邊吏格之不

得入能又遣景交通干崖

注見前

孟密

亦曰猛密本隸木邦土司後為

思柄所竊據事詳後

諸土官納其金寶至是恕皆廉得之遣騎

執景景懼自殺因劾能私通外國及諸貪暴不法狀

帝宥能而致其黨九人于法恕上言昔交趾以鎮守

非人致一方陷沒今日之事殆又甚焉陛下何惜一

能以安邊徼能大懼急屬貴近請召恕還恕遂改掌

南京都察院

事在明年

能事立解

恕居雲南九月歲行徼外黔國公沐琮以下咸

惕息奉命疏凡二十上直聲聞

天下

沐琮字廷芳昂之孫

# 南京大雷雨

丁酉十三年春正月置西廠以太監汪直領之

自永樂設五廠  
廠寄宦官以訪  
得之汪固已作  
法于原至憲宗  
信任汪直復為  
特置西廠氣敵  
臨張羅織內外  
其勢益橫甚且  
擅行建問易置  
近臣其初不過  
司王五事然重  
力明殺人重

初成祖置東廠令宦官訪緝逆謀大奸與錦衣衛均  
權勢至是尚銘領東廠又別設西廠刺事以汪直督  
之所領緹騎倍東廠勢遠出衛上時南京鎮監覃力  
明進貢還以百艘載私鹽武城典史詰之力明擊折  
其齒射殺一人直廉得以聞帝謂直能擒奸益幸直

其說軒輊如此  
此若輩先為小  
忌小信以成其  
人不思大不信  
之故智憲宗竟  
因其術中深相  
倚毗自此厥術  
聚時竊柄日漸  
恣肆逮末世而  
元氣孱弱遂以  
厄亡追論禍源  
總宗豈得辭作  
俑之咎耶

直乃任錦衣百戶韋瑛為心腹屢興大獄冤死者  
相屬自諸王府邊鎮及南北河道所在校尉羅列民  
間鬪詈鷄狗瑣事輒置重法人情大擾大學士商輅  
率同官上言陛下委聽斷于直直又寄耳目于羣小  
如韋瑛輩皆自言承密旨得專刑殺擅作威福賊虐  
良善陛下若謂摘奸禁亂為有益則前此數年何以  
帖然無事且曹欽之變由遼果刺事激成可為懲戒  
自直用事卿大夫不安其職商賈不安于途庶民不

安于業若不亟正天下安危未可知也帝得疏愠曰  
用一內豎何遽危天下誰主此奏者命太監懷恩覃  
吉至閣詰責輅正色曰朝臣無大小有罪皆請旨逮  
問直擅抄沒三品以上京官大同宣府邊城要害守  
備餼項不可缺直一日械數人南京祖宗根本地直  
擅收捕留守大臣諸近侍在帝左右直輒易置直不  
去天下安得無危輅等同心一意為朝廷除害無有  
先後兵部尚書項忠亦倡九卿劾之帝不得已令直

歸御馬監調韋瑛邊衛散諸旗校還錦衣中外大悅  
然帝眷直不衆仍令密出外刺事御史戴縉南海人著  
性險躁干進探知帝意乃假災異建言頌直功德遂  
詔復開西廠于是直銚愈熾

夏六月斥兵部尚書項忠為民謹身殿大學士商輅引  
疾歸

初忠倡九卿劾汪直既為奏令郎中姚璧浙江桐廬人持  
詣諸尚書署名先詣吏部尹旻山東歷城人卻曰奏出項

尚書兵部宜為首鑒對曰公六卿之長也旻怒曰今日乃知六卿長邪旻署名即遣報直直銜之搆忠下

獄

初錦衣千戶吳綬從忠討劉宗盜忠劾其罪綬深恨之及是西廠復設直以綬為腹心綬逆執前憾

誣忠受太監黃賜請屬用劉江為江西都指揮詔庭鞠之忠抗辯不必屈然衆知出直意無敢為之白

者遂斥為民直又譖輅納指揮楊勰金輅乞罷聽歸

戴縉乞令兩京大臣自陳欲以傾直所不悅者于是

大臣以次陳免者數十人士大夫益俛首事直矣

秋八月錦衣衛執工部尚書張文質

昌黎人

下獄

太子出閣就學  
諒教所當慎重  
羣吉即老成舊  
聞亦祇可謹記  
起居若口授章  
句廷臣中宜無  
可簡備官僚以  
資啟迪乃委之

東廠官校發雲南百戶左昇私事詞連掌通政使工

部尚書張文質錦衣衛遂執下獄帝不知也左通政

何琮

浙江仁和人

等以掌印請帝乃知而釋之

九月京師地震

戊戌十四年春二月皇太子出閣就學

太子雖出閣老奄羣吉朝夕侍左右口授四書章句

及古今政典帝賜太子莊田勸勿受曰天下皆太子

有也太子偶從內侍請佛經吉入太子曰老伴來矣

急手孝經時太子方九歲端本正始吉有力焉

三月復開遼東馬市

遼東巡撫陳鉞

河間獻縣人

請開三衛馬市通事劉海姚

寺人實爲非體  
幸而吉尚謹愿  
不致貽累蒙求  
然欲以是垂訓  
後人則如馮保  
等之操券攬權  
未嘗不由于承  
華保護史家不  
知履霜即冰之  
義反以端本正  
始歸功于吉無  
識甚矣

安肆侵牟朵顏諸部懷怨擾廣寧不復來市尚書三

越請令參將布政司各一員監之毋有所侵尅遂治

海安二人罪尋令海西及朵顏三衛入市以互市之稅

充撫賞

夏六月太白歲星同晝見

汪直行遼東邊

遼東巡撫陳鉞以掩殺冒功激變直欲自往定之而

帝命馬文升

字負圖  
約州人

往安撫直不悅文升馳至鎮宣

璽書撫慰無不聽撫者事定直欲攘其功請于帝挾

其私黨王英曰馳數百里箠守令各邊都御史服

橐鞬迎謁供帳百里外至遼東陳賊郊迎蒲伏厨傳

尤盛左右皆有賄直大悅至開原再下令招撫文升

乃推功與直直內慚心益不喜而陳鉞益諂事直曰

夜譖文升思有以中之

秋九月河決開封

壞護城隄五十丈河南巡撫李衍

直隸真定人

上言河南

累有河患皆下流壅塞所致宜疏開封西南新城隄

下抵梁家淺舊河口以洩杏花營

注見前

上流又自八

角河口

即八字溝在陳州府淮寧縣東南

直抵南頓

注亦見前

分導散漫

以免祥符鄆陵睢陳歸德之災乃敕衍酌行之明年

正月遷蒙澤縣城于河北以避水患而開封隄不久

即塞

己亥十五年春正月修開國功臣墓

無後者置守塚一人

夏四月以方士李孜省

南昌人

為太常寺丞

孜省以江西吏就選京師職事發匿不歸時帝好方術孜省乃學五雷法厚結中官梁芳錢義以符籙進中旨授太常寺丞御史楊守隨劾孜省職吏不宜典祭祀帝改為上林苑監丞然寵幸日盛許密封奏請

益獻淫邪方術與梁芳等表裏為奸干亂政事

五月下兵部侍郎馬文升于獄謫戍

汪直勘事遼東還劾文升行事乖方逮下獄謫戍重

慶衛并詰責諸言官容隱不劾奏廷杖李俊

字子英岐山人

等五十六人

庚子十六年春二月王越襲韃靼于威寧海子

在今正黃旗察哈爾

南一說志其西南舊有威寧城金時故縣也破之

時汪直怙恩用事思以邊功自樹王越朱永附之會

延綏守臣奏寇渡河入靖虜

注見前

越勸直奏請出師

詔以永為平虜將軍直監軍越提督軍務越說直令

永率大軍由南路已與直將輕騎循塞垣而西至大

同聞敵帳在威寧海子則盡選宣大兩鎮兵二萬出

孤店

關名在大同縣東北

潛行至貓兒莊

注亦見前

分數道進值大

風雨雪晦冥進至威寧寇猶不覺掩擊破之斬首四

百餘級獲馬駝牛羊六千永所出道迂不見敵無功

由是越封威寧伯直增祿三百石

中涓錄囚溫觿  
于正統體統凌

夷已非一日但

熱審朝審之制

自永樂以來守

而不變何至憲

宗竟盡改舊章

概行罷廢而以

會議入典專任

宦官廷臣遂無

由過問此綱制

置甚矣況其聆

聽放遣較常倍

增則由若輩欲

假姑息博美名

下復顧明刑本

辛丑 十七年夏四月旱風霾

命司禮監同法司錄囚

命太監懷恩同三法司錄囚自是每五歲內臣審錄

以為常謂之大審南京則命內守備行之初成祖定

熱審之例仁宗命閣臣會審英宗命三法司同公侯

伯朝審至帝罷不行而內臣大審所矜疑放遣嘗倍

于熱審大理寺為三尺壇中坐齋敕 三法司

左右坐御史郎中以下奉牘立唯諾趨走惟謹三法

重毀之失宜  
可勝言乃權參  
既崇法司惟紀  
其意指則其所  
寬者必其通苞  
蓋者也不然必  
甚流離質與  
彼無涉者也而  
其所嚴者必其  
有罪陳氏受地  
而欲致之于死  
者也國法尚可  
問乎而史家猶  
以多所矜放為  
美真不識事體  
之甚矣

司有所出入輕重俱視中官意不敢忤

五月寇犯宣府汪直王越率師禦之

秋七月雷震郊壇承天門

冬十月以道士鄧常恩為太常卿

壬寅十八年春二月罷西廠

小中官阿丑工俳優一日于帝前為醉者謾罵狀人  
言駕至謾如故言汪太監至則避走曰今日但知汪  
太監也又為直狀操兩鉞趨帝前曰吾將兵仗此兩

王直藉西廠以  
肆者王越陳鉞  
倚璫勢以橫行  
朝臣宜無間見  
何竟籍口不言  
使非阿丑以滑  
稽進諫憲宗終  
無由覺悟皆是  
盈庭察家乃優  
矜之不若乎迨

鉞耳問何鉞曰王越陳鉞也帝欣然而笑稍稍悟會  
東廠尚銘獲賊得厚賞直怒其不先告己銘懼乃廉  
得其所洩禁中秘語奏之且盡發王越交通不法事  
帝心始惡直時直越方在宣府以敵退請班師不許  
陳鉞居兵部代為請帝切責之兩人始懼至是悉召  
還京營將士移直越鎮大同罷日衰言者交章請罷  
西廠許之尋罷陳鉞調王越鎮延綏降直南京御馬  
監罷西廠不復設中外欣然

巨靈既去始撫拾  
陳言聯章請罷  
西厥事後之論誰  
則不能而及言者  
猶靦然自居於抗  
直亦可醜矣

夏四月哈商復哈密城

哈商寄居苦峪十年至是率所部兵萬人糾罕東赤  
斤二衛夜襲哈密城破之伊蘭遁乘勢連復八城遂  
還居故土帝喜進哈商左都督

六月韃靼寇延綏官軍擊敗之

伊斯瑪音入寇延綏指揮劉寧

字世安  
山陽人

敗之于塔兒

山

在葭州西北上  
有小塔因名

巡撫何喬新

字廷秀  
文淵之子

指揮同知

支玉

山西聞  
喜人

敗之于天宓梁中胄

在山西保德州  
河曲縣西北

千

戶白道山敗之于木瓜園

在蔚州府谷縣北

總兵許寧敗之

于三里塔

在榆林府榆林縣北

參軍董升周璽

字廷玉遷安人

敗之于

黑石崖

在保德州西南下臨黃河

時寇扼于邊牆不得出遂大劘

秋八月大水

衛漳漳沱並溢又河南靈雨自六月至于是月民居

漂沒者無數渰死數萬人

十九年夏六月韃靼寇大同官軍敗績

癸卯

小王子

伊斯瑪音既死其入寇者復稱小王子

率兵三萬寇大同連營

延綏之役敵勢  
頗張劉寧等如  
果分路克復視  
於邊境大則之  
後自應稍知懲  
懼何而踰年後  
段謀大同則前  
此之虛妄可知  
矣且許寧以將  
軍餉其恩惠及  
官軍復潰後敢  
將敗為功豈可  
不如顯謬以作  
士氣乃僅予降

五十里殺掠人畜數萬總兵許寧知敵勢盛欲持重

俟隙乃歛兵守而遣別將劉寧董升與周重相犄角

寇大掠焚代王別堡王超戰使衆哭于轅門寧憤與

巡撫郭鍾思縣人等營城外寇以十餘人為誘太監蔡

新部騎馳擊寧將士爭赴之遇伏大敗死者千餘人

會重等援至寇乃退尋復入寧等掩其敗以捷聞敵

得利長驅入順聖川宣府巡撫秦紘總兵周玉力戰  
卻之已而巡按程春震登寧敗狀寧與陞新俱下獄

鐘降六官新以初任降三官寧降指揮同知問在  
順聖川在宣化府西寧縣東秦紘寧世經單人周玉

官開仁泉為繼  
惡失刑軍政之  
壞至明季而極  
矣

字廷璧滁人程  
春震雲夢人

秋八月汪直以罪貶王越免

言官交劾汪直王越交結罪詔從未減直降奉御越  
奪誥券編管安陸州三子以功廕得官者皆削籍並  
斥直黨右都御史戴縉為民後韋瑛亦坐他事誅人  
皆快之然直竟良死

九月召陳獻章

字公甫  
新會人

為翰林院檢討尋乞歸

獻章以舉人家居讀書晝夜不輟廣東布政使彭韶

總督朱英交章薦亡以禮徵聘吏部尚書尹旻謂獻

章向聽選京師非隱士比安用聘檄召至京令就試

吏部獻章稱疾不試亡歸奉母乃授檢討以歸自是

屢薦不起獻章之學以靜為主其教學者但令端坐澄心于靜中養出端倪或勸之著述不答

其所居曰白沙村學者因稱白沙先生

旌表僧繼曉江夏人母朱氏

繼曉以秘術因梁芳進封國師日誘帝為法事建大

永昌寺于西市逼徙居民數百家糜帑數十萬其母

雖從一之裁別  
終不可不屬也

絕遠母上之程

家增為齊民所

不齒乃以緇荒

陳亡竟得遷避

雖根之深矣獨

與而此居至丁

斯之極處矣余

不心動哉是亦

知其終成何有

是顧曲徇私思

豈行表宅何以

立祠常風化之

明

朱氏本娼家女也繼曉自陳亡旌詔不必勘覈旌其

門

甲辰二十年春正月京師地震

夏六月以思栢為孟密宣慰使

孟密雲南土司木邦部內地也初木邦宣慰使罕揲

法死其孫罕落法襲職罕揲法有女曰曩罕弄自以

分尊不受節制曩據公署自稱天娘子其子思栢自

稱宣慰使竊據孟密與木邦貳分兵稱掠黔國公沐

琮以間委三司官往撫曩罕弄驕蹇不服且欲外結

交趾逼脅木邦八百諸部琮等復奏聞兵部尚書張

鵬

鵬于成化初復官累進尚書

主用兵下廷臣議皆以孟密與木

邦仇殺並未侵犯邊境宜撫因遣御史程宗

常熟人

往

撫

事在十八年

曩罕弄畏隣境不平遣人從間道至京

進金寶乞別立孟密安撫司開設治所直隸布政司

下內閣議萬安欲許之劉瑄劉吉曰孟密乃木邦之

叛屬若許之是周天子命三晉大夫為諸侯也土官

誰不解體安曰不從則當伐之往日麓川之敗不可  
不戒珣對曰何以伐為但令守臣嚴邊備而勅隣境  
土官合兵覺之彼奚能為事將寢而程宗受安風旨  
復奏言曩罕弄與木邦仇殺已久勢難再合乞如前  
請遂設孟密安撫司以思枏為宣慰使思枏先後奪  
據木邦地二十七所自是諸部擾攘侵奪中國用兵  
且數十年

旱

京畿山東湖廣陝西河南山西俱大旱道殣相望

秋九月乙酉朔日食

冬十月下刑部員外郎林俊

字待用莆田人

及都督府經歷張

黻

吉水人

于獄尋釋之並謫官

林俊批鱗得罪  
黻疏奏幾危

二人皆無言責

並著立聲刑曹

後府之誼足令

言官抱愧獨是

使黻詔獄將誅

大臣何竟若罔

俊上疏請斬妖僧繼曉并劾太監梁芳罪帝大怒下  
俊詔獄考訊後府經歷張黻救之並下獄帝欲誅二

人司禮太監懷恩力爭帝怒投以硯曰若助俊誅我  
恩免冠伏地號哭帝叱出恩遣人告鎮撫司曰汝曹

門知喋無一語  
而力爭雅致乃  
山懷恩不且為  
丁謂所鄙笑乎  
以恩在當時似  
約俊俊但林俊  
可初梁芳若華  
以高復局懷恩  
以獨能不在祖  
以賴聘欲保全  
此臣或與梁芳  
不約能故借  
以陽博美名  
出五門戶耶

諂芳傾俊俊死汝曹何以生遂稱疾不起帝亦尋悟

獄遂解俊謫雲南姚州

注見前

判官黻師宗

本蠻地元置州今州

屬潞知州

時言路久塞兩人直聲震都下為江府之語曰御史在刑曹黃門出後府

乙 二十一年春正月甲申朔星隕有聲詔羣臣言闕失

申刻有光自中天陞化白氣曲折上騰踰時復有赤

星如梳自中天西行轟然如雷震帝頗懼詔羣臣陳

闕失于是吏部尚書尹旻等論傳奉官過多吏部給

事中李俊率科臣上疏

畧曰今之弊政最大且急者日近倖干紀也大臣不職也

爵賞太濫也工役過煩也進獻無厭也流亡未復也  
天變之來率由于此夫內侍之設國初皆有定制今  
或一監而叢千餘人一事而參六七輩或分布藩郡  
享王者之俸或總領邊疆專大將之權援引檢邪技  
獻奇巧司錢穀則法外取財貢方物則多端責賂殺  
人者見原贖事者逃罪如梁芳韋興陳喜輩不可枚  
舉惟陛下大施剛斷無令干紀奉使于外苛虐為召  
還用事于內者嚴加省汰則近倖戢而天意可回矣  
今之大臣非夤緣內臣則不得進其既進也非憑依  
內臣則不得安此以財貿官浼以官鬻財無怪其賂  
受四方而計營三窟也如尚書殷謙張鵬侍郎艾福  
杜銘南京尚書李本侍郎劉俊皆老而懦尚書張鑑大理  
卿田景陽南京尚書張瑄侍郎尹直皆清論不愜惟  
陛下大加黜罰勿為姑息則大臣知警而天意可回  
矣夫爵以待有德賞以待有功今或無故而爵一庸  
流或無功而賞一賁倖方士獻煉服之書伶人奏曼

衍之戲榷吏胥徒皆叨官祿俳優僧道亦玷班資一  
歲而傳奉或至千入數歲而數千入矣數千人之祿  
歲以數十萬計是皆國之租稅民之膏脂不以養賢  
才乃以飽姦蠹誠可惜也如李孜省鄧常恩輩尤為  
誕妄此指天變之甚者亡盡罷傳奉官毋令汚玷朝  
列則爵賞不濫而天意可回矣都城佛刹迄無寧工  
京營軍士不復遺力如國師繼曉假銜濟私糜耗特  
甚中外切齒願陛下內惜資財外惜人力不急之役  
姑賜停罷則工役不煩而天意可回矣近來規利之  
徒率假進奉為名或錄一方書市一玩器購畫圖製  
簪珥所費不多獲利十倍願陛下留府庫之財為軍  
國之備則進獻息而天意可回矣陝西河南山西赤  
地千里屍骸枕藉流亡日多荏苒符可慮願陛下體天  
心之仁愛憫生民之困窮追錄貴倖鹽課暫假造寺  
資財移賑饑民得苟存活則流亡復而天意可回矣  
殿諫字文揭涿州人杜銘成都金堂人李本四川

富順人劉俊河南新鄉人張  
鑒華亭人田景賜保定人  
奏入帝優詔答之降左

通政李孜省上林丞太常卿鄧常恩本寺丞繼曉革

國師為民斥罷傳奉官五百餘人中外大悅時兩京

諸臣爭應詔陳言給事中盧瑀鄧人御史汪奎字文燦娶源人

主事張吉字克修餘干人南京員外郎彭綱字性仁清江人等言无

愷直帝以方修省不罪然心忌之密令尹旻出俊瑀等

且書六十人姓名于屏俟奏遷則取遠惡地未幾俊

瑀等相繼貶斥或以他事下吏孜省常恩等仍復官

陳垣應詔陳言  
抗論時政憲宗  
既優旨褒答願  
見採行足彰特  
用之美乃因修  
省不即加罪而  
心忌其言既違  
詔求開失初心

亦豈得云應天  
以實至燕陛下  
奪尤朝廷取下  
大權即有應行  
罷謫之人亦當  
視其人之自取  
何可稍存私意  
廟謫論部臣出  
之于外且書名  
屏宸後奏還而  
後服之夫豈人  
君人公正正之  
道哉

有寵愈甚

三月泰山震

太監梁芳韋興廢帑藏為奇技淫巧結萬貴妃歡累  
朝金七窖俱盡帝一日視內藏詰芳及興曰康費帑

金寶由汝二人興不敢對芳曰建顯靈宮及諸祠廟  
為陛下祈萬年福耳帝曰吾不汝瑕後之人將與汝

計矣芳大懼遂說貴妃勸帝廢太子而立興王

名祐  
杭帝

第四子時興王猶未封此  
言興王乃史臣追叙之文  
太監懷恩固爭帝不懌斥

宋景公不肯以  
民歲移災一言  
而憂感退舍彼  
小國之君尚知  
以民為重為天  
下主者豈反忽  
諸沈饑饉薦臻  
閭閻之戚即廟  
堂之憂豈得視  
如膜外康永韶  
乃以設詞干進  
充謂星變之咎

居鳳陽會泰山連震占者謂應在東宮帝心懼寢其  
事

夏四月以康永韶

字用和  
祁門人

為禮部右侍郎

永韶故為御史有直聲謫知縣中旨召還進太常少  
卿掌欽天監時陝西大饑永韶言今春星變當有大  
咎賴秦民饑死足當之誠國家無疆福帝悅擢禮部  
右侍郎

秋八月己卯朔日食

賴秦民饑死當  
之且指為國家  
之禍妄誕至此  
實為喪心病狂  
憲宗不予以斥  
責反悅其言而  
重加遷擢是惟  
知有己而不知  
有民且並不知  
民之為己之安  
身立命處也真  
可鄙之至矣

# 九月劉珣罷

萬安與南人相黨附珣及尹旻王越又與北人為黨  
互相傾軋珣自以宮僚舊臣遇事無所回護林俊下  
獄珣於帝前解之李孜省輩左道亂政欲動搖東宮  
珣密疏諫帝皆不悅珣常斥安負國無恥安忿日夜  
思中珣汪直罷衰安揣知西廠可罷邀珣同奏珣辭  
不與安遂獨奏之陰使人訐珣與直有連帝疑未發  
會珣子鉉縱誕日邀妓狎飲安乃使人為劉公子曲

增飾穢語雜教坊院本奏之帝怒遣中官持手封書  
一函詣閣乃人訐珏書安與劉吉佯驚救且言當令  
乞休以全始終翌日珏遂具疏乞休其實排珏使去  
者安吉兩人也

冬十一月召馬文升為兵部尚書

汪直敗後文升復官都御史巡撫遼東尋總督漕運  
及是召長兵部李孜省方恬寵文升時有所言孜省  
深嫉之

十二月以彭華

安福人時族弟

為吏部左侍郎兼翰林學士入

內閣預機務

華深刻多計數善伺人短與萬安李孜省相結得入

閣素嫉尹旻與安等伺得旻子侍講龍諸陰事下龍

詔獄執訊午門多所株連

侍郎李裕黎濟皆得罪康永韶亦斥為民李裕字

資德豐城人

旻致仕去龍除名由是人皆畏華而惡之踰

年以風疾罷

丙午二十二年秋九月罷南京兵部尚書王恕出馬文升

代之

恕先後應詔陳言凡五十餘奏皆力阻權倖天下傾  
心慕之時為謠曰兩京十二部獨有一王恕于是貴  
近皆側目帝亦頗厭苦之是年起用傳奉官恕諫尤  
切帝愈不悅令恕致仕調文升南京以李孜  
省語也朝野大  
駭

逮廣東布政使陳選

字士賢  
臨海人

道卒

選于天順中巡按江西盡斥貪殘吏成化初督學河

南汪直出巡御史以下皆拜謁選獨長揖久之進按

察使決遣輕繫數百人重囚多所平反囹圄為空治

尚簡易獨于臧吏無所假厯廣東左右布政時詔減

省貢獻而市舶中官韋眷肆橫奏乞均徭戶六十人

添辦方物選持詔書爭帝命與其半由是怒選番人

馬力麻詭稱蘇門答刺使臣欲入貢私市易眷利其

厚賂將許之選聞立逐之番禺令高瑤發眷通番事

沒其資巨萬入官都御史宋旻

字安人

不敢詰選移檄

獎之且聞于朝眷恨選益甚遂誣奏選瑤朋比為貪

墨遣刑部郎中李行

新喻人

及巡按御史徐同愛

常山人

勘之眷賄選所黜吏張聚令誣証聚堅不從拷掠無

異辭行等畏眷竟以誣獄上與瑤俱被逮士民數萬

號泣遮留使者辟除乃得出至南昌疾作行阻其醫

藥竟卒

張聚聞選死哀悼乃上書曰竊見故罪人選才處羣邪之中獨立衆憎之地太監章眷通

番敗露知縣瑤按法待之選移文獎勸以激貪懦固賢監司事也都御史宋旻及同愛納賄養奸致眷橫行胸臆穢滅清流勘官李行頤指暇煉竟無左証臣本小吏註誤觸法被選黜罷實臣自取眷謂臣憾選厚

賂嗽臣臣雖胥役敢昧素心行等逮臣致理拷掠百端臣恐死額天終無異口行等乃文致其罪選故剛直不堪屈辱憤懣旬日身嬰重疾行等幸其隕身阻其醫療訖命之日密走報眷小人佞毒一至于此臣擯黜罪人秉耒田野百無所圖誠痛忠良銜屈而為聖朝累也不報選後追謚忠愍

遣刑部侍郎何喬新勘播州土司訟

播州宣慰使楊輝欲立庶子友為嗣長官張淵阿順之安撫宋韜等諫乃止輝致仕嫡子愛嗣輝與淵謀割地授友巡撫張瓚受輝賂為奏設安寧宣撫司以友為之

前事具

至是輝死友誣愛謀逆聞于朝遣喬新

往勘將行請曰楊氏主播州五百餘年蠻夷服從久  
矣歷代寬以文法蓋治之以不治也今但宜二人面  
質真偽無令驚疑喬新至盡得其始末白愛誣奪友  
官安置他府斬張淵播州遂安

以尹直為戶部左侍郎兼翰林學士入內閣預機務  
直官南京八年鬱鬱不得志以李孜省力召為兵部  
侍郎至是取中旨入閣

丁未二十三年春正月皇貴妃萬氏卒

妃服用器物窮極僭擬中官佞倖錢能覃勤汪直梁芳  
韋興輩皆假貢獻苛歛民財傾竭府庫以結妃歡四  
方進奉異物皆歸之父兄弟姪皆授都督指揮千百  
戶等官性嫉妬掖庭御幸有身飲藥傷墜者無數至  
是卒帝震悼輟朝七日謚曰恭肅端慎榮靖皇貴妃  
二月以李孜省為禮部右侍郎

孜省中廢復用益作威福縉紳進退多出其口前年  
冬擢通政使至是進禮部掌通政如故

史家紀萬妃之事皆謂其驕妬橫行至後宮有妖蟲遺藥墮今以憲宗封建諸子証之知其說殊不足盡信蓋憲宗偏寵萬妃及妃之恃寵驕妬固當時時事所有若謂其專房溺惑則後宮必近御無期何就館之多竟爾絕絕相繼如是年及孝宗初

秋七月封子五人為王

祐杭興王

已見前

祐楠

帝第

岐王

後之藩德安

祐檟

帝第

益

王

後之藩建昌

祐揮

帝第

衡王

後之藩青州

祐標

帝第

雍王

後

藩衡州

八月帝崩

先是帝不豫命皇太子視朝于文華殿及是崩

九月太子祐橿即位

是為孝宗

赦

以明年為弘治元年

太監梁芳都督萬喜

萬貴妃弟

及李孜省等有罪減死謫戍

受封共有十人其最幼者乃憲宗第十四子而所云飲藥墮胎

昔尚不可勝計其生不為不蓋焉

妃米姑壽豈能胎育及衆而

誕生成立者且如是之多乎總

之宮闈事秘傳聞已不可憑或

由衆人深嫉萬安之假附亂政

遂飾為無稽之語以解罪萬妃

冬十月罷傳奉官奪僧道封號

監喜指揮使孜省常恩王芝等戍陝西邊

芳外戚喜等諸不法事論死上以宅憂謫芳南京少

言官劾孜省及其黨鄧常恩趙玉芝

番禺人

交結太監

帝用科道言降黜傳奉官通政任傑侍郎蒯綱指揮  
僉事王榮等二千餘人罷遣禪師真人等二百四十

此我家耳食  
此于成化間事  
我亦不啻漢成時  
昭陽禍水而  
不顧其跡之矛  
目亦可怪也  
尚安阿奉宦官  
指其牽引巡  
即不以止甚至  
緣附椒房冒稱  
同姓為梯階固  
龍之階尤詭鄙  
無恥繼聞議遠  
為親屬輒欲  
以久不往來而  
圖掩覆小人情

餘人法王佛子國師等七百八十餘人並追誥敕印

### 伏遣歸本土

尊皇太后為太皇太后皇后為皇太后立皇后張氏

興濟

先是孝穆太后薨

即紀妃

內廷籍籍指萬貴妃帝即

位魚臺丞徐項疏請上母妃尊謚遷葬並追究薨故

廷臣議逮萬氏親下錦衣鞠治萬安懼不知所出曰

我久與萬家不往來劉吉亦有連自危與尹直共擬

旨寢之帝仁厚恐傷先帝意不問安吉得無事帝生

態至此畢露矣  
及為懷恩所斥  
猶復覩顏戀棧  
數跪求哀真不  
後知人間有羞  
愧事豈特鄙夫  
之無所不至哉

西宮時吳后往來保抱惟謹帝命服膳皆如太后禮  
萬安罷

帝于宮中得疏一小篋皆論房中術未署曰臣安進

帝令太監懷恩持至閣曰此大臣所為邪安愧汗伏

地不能出聲庶吉士鄒智

字汝愚  
合州人

御史姜洪

字希範  
廣德人

文貴

湘鄉人

交章列安罪狀復令恩就安讀之安數跪

起求哀無去志恩直前摘其牙牌曰可去矣始惶遽

歸第乞休去安時年七十餘尚于道上望三台星冀

復用云

追謚母紀氏為孝穆皇太后

帝悲念太后遣人求太后家先是太后在官中嘗自言家賀縣姓紀幼不能知親族也于是有妄冒太后戚畹以希寵貴者十數輩後訪得實皆謫戍而太后家終不可得其後禮臣上言可做太祖封徐王故事定擬太后父母封號立祠桂林致祭帝詔曰孝穆太后早棄朕躬每一思念怒焉如割初謂宗親尚可旁

求寧受百欺冀獲一是卿等謂歲久無從物色請加  
封立廟以慰聖母之靈皇祖既有故事朕心雖不忍  
又奚敢違遂封后父慶元伯后母伯夫人立廟桂林  
府有司歲時祀焉

大學士尹直撰冊文有云觀漢家  
堯母之門增宋室仁宗之慟帝燕

間念誦輒歛  
歔泣下也

以禮部侍郎徐溥

字時用  
宜興人

兼翰林學士入內閣預機務

尋進禮部尚書兼文淵閣大學士溥在閣務守成法

鎮以安靜嘗言國家法度所以惠元元者備矣但患

不能守耳

十一月召王恕為吏部尚書以馬文升為左都御史

時恕致仕家居言官論萬安者輒薦恕司禮監懷恩亦素重之力勸帝故即家起用之

尹直罷以劉健

字希賢洛陽人

為禮部侍郎兼翰林學士入內

閣預機務

健自為編修即練習典故有經濟志入閣後正色無所依違獨以身任天下之重

逮梁芳李孜省下獄十二月孜省死于獄

芳等既謫戍遇赦當還印綬監太監蔣琮

大興人

言芳

等罪大不當赦復逮下獄孜省不勝榜掠死常恩王  
芝坐交結近侍律斬妻子流二千里詔免死仍徙邊  
芳卒廢死

葬茂陵

在昌平州聚寶山東少南

謚曰純皇帝廟號憲宗

明史贊曰憲宗踐祚之後上景帝尊號邠于謙之寬  
時際休明朝多耆彥獨賦省刑閭里充足仁宣之治

庶幾復見顧以任用汪直盜竊威柄為  
所蔽惑久而後覺宦寺之禍固可畏哉

禮部侍郎邱濬進大學衍義補

濬以真德秀大學衍義止述修身齊家事而治國平  
天下闕焉乃博採羣書以補之至是表上其書帝稱  
善進濬尚書賚金幣下詔刊行

既而濬以書中所載  
皆可見之行事請謫

其要者下內閣  
議行之帝報可

孝宗皇帝

戊申 弘治元年春正月以何喬新為刑部尚書

喬新以剛正為萬安劉吉所忌帝嗣位初由刑部侍郎晉南京刑部尚書借升秩以遠之中官懷恩詣閣正色曰新君宜用正人胡為出何公安等默然會刑部尚書杜銘罷羣望屬喬新而吉代安為首輔終忌之久不補帝以王恕薦召用之

二月帝耕藉田

禮畢宴羣臣教坊以雜伎進馬文升厲色曰新天子當知稼穡艱難豈宜以此瀆亂宸聽邪斥去之

孝宗是時立未逾年諒闇之中本不當舉行耕籍即云典不可缺亦祇應僅躬秉耒以為嚴恭

乃竟設安如常  
實為非禮焉文  
升自當門北  
理在陳顧不言  
燕衍之失而止  
參敬坊之讀亂  
寢聽已者味于  
輕重况進言亦  
自有體正色乙  
尺仰諱直何致  
遂以屈色相干  
夫臣之于君猶  
子之于父人子  
幾諫尚當婉宥  
下氣乃于君父  
之側悍然微色

# 罷選淑女

中官郭鏞請豫選妃嬪以廣儲嗣庶子謝遷

字子喬  
餘姚人

上言山陵之工未畢諒闇之痛猶新此必宜豎巧為  
諛詞以動陛下非本心也陛下富于春秋俟祥禪之  
後徐議未晚顧亟寢前命從之  
封哈密衛左都督哈商為忠順王

從其國人請也

三月帝視國子監

發聲敬事之誠  
安在明代惡習  
相沿往往憤激  
沽名而不顧格  
恭大義史家無  
識轉從而張大  
其詞不復準諸  
義理豈可為訓  
耶

揭文武大臣等姓名于文華殿壁

兩京文武大臣外官知府守備以上吏兵二部並疏  
其姓名揭于殿壁如有遷罷即以新除者易之

御經筵命儒臣日講

謝遷為講官務積誠開帝意每進講敷詞詳切帝數  
稱善

起用言事謫降諸臣

主事張吉

餘干人

王純

仙居人

中書舍人丁機進士李文

祥字天瑞  
麻城人教毓元新喻人並以言事遠謫南京吏部主

事儲燿字靜夫  
泰州人上言五人者既以直言徇國必不變

節辱身乞擢置風紀論思之地則言論風采必有可  
觀帝命吏部起用之

夏四月釐祀典

依洪武舊制凡祀典所無者悉罷之

韃靼求貢

小王子上書求貢自稱大元汗時朝廷方務優容許

之自是與巴延蒙克王

舊作伯顏猛可王今改

等屢入貢漸往

來套中出沒為寇

六月癸巳朔日食

冬十月妖僧繼曉伏誅

法司擬繼曉罪以犯在赦前免死科臣陳瑀

長洲人

等

劾曉罪大惡極不當宥命棄市

土魯番殺忠順王哈商復據哈密

土魯番阿里死子阿哈瑪特

舊作阿里麻今改後倣此

嗣為蘇勒

坦聞哈商封忠順王怒曰哈商非忠順族安得封乃

偽與結婚誘而殺之仍令伊蘭據其地

已而哈密都指揮阿穆呼

朗覘伊蘭單弱請援于邊臣調赤斤罕東兵夜襲破其城伊蘭遁去以力薄不能守引還

作阿木郎今

改後倣此

二年春二月下監察御史湯鼎

字用之壽州人

于獄戍之

帝即位後更新庶政言路大開庶吉士鄒智進士李

文祥交章論劾當路

智疏論萬安持祿怙寵劾吉附下岡上尹直挾詐懷奸文祥疏

言登極詔書不許風聞言事昔李林甫持此以禍唐王安石持此以禍宋遠近駭聞莫不驚駭請再頒明

言官以意氣用事明代結習可憎至末流遂以此儼敗況孝宗朝庶政維新而諸臣所言尚撫拾先朝舊事何前日之寒蟬一旦盡變為鸞鳳乎至王恕等皆以老成布列班聯初無大過端然乃惡私運賄抨擊自家居心已不可問且受知州倪金題檄

詔廣求直言庶不墮奸謀足彰聖德  
鼎意氣尤銳其所抨擊間及人望

王恕以盛暑請暫輟經筵鼎三疏論  
大臣多畏惡之  
又嘗劾尚書周洪謨馬文升等

劉吉尤刺骨使人陷御史魏璋  
鄢陵人曰君能去鼎行

僉院事矣璋欣然日夜伺鼎短會壽州知州劉聚  
齊寧

人嘗餽鼎白金道之書云夢一人騎牛幾墮君手挽

之引就道因解之曰人騎牛國姓意者國將傾君扶

之引君當道也鼎喜以書示客璋得間適帝遣官賑

四州中書舍人吉人  
長安薦鼎及劉聚可任璋遂嗾

以夢尤非臺省  
所宜其後罪寄  
古自取特起古  
以私憾暗嗾糾  
陷信端極獄奸  
惡更甚耳

同官陳景隆

長樂人

劾吉人私立朋黨因及梟貽書狀

劉吉從中主之并竄入智與文祥等名悉下詔獄欲  
盡置之死何喬新彭韶力持之王恕亦上疏申救于是  
梟梟戍邊吉人削籍鄒智李文祥敗官瑋遂擢大理  
丞

以馬文升為兵部尚書兼提督團營

時承平久兵政廢弛西北部落不時窺塞下文升嚴  
覈諸將黜貪懦三十餘人奸人太怨夜持弓矢俟其

門作謗書射入東長安門內帝聞詔錦衣衛緝捕給  
騎士十二人衛出入文升因亡休慰諭之

夏五月河決開封入沁河

河決自原武由開封東北入沁河

舊時黃沁交會于武涉正統中河決

蒙澤而南不與沁合其後鑿渠引之時疏時塞至是河自祥符東北翟家口決埽頭五處入于沁

溢

為二一自于家店

在陽武縣東

經蘭陽縣南東至歸德由

徐邳入淮一自封邱縣之荊隆口

在縣東亦曰金龍口

漫祥符

潰儀封縣之黃陵岡

注見前

東經曹濮入張秋運河郡

邑多被害汴梁尤甚議者請遷開封城以避其害布

政使徐恪

字公肅  
常熟人

力持不可乃止命所司役夫五萬

人治之已而命戶部侍郎白昂

武進人

總理其事昂築陽

武長隄濬宿州古汴河

即古蕩蕩渠注已見前其故  
道在宿州者自河南永城縣

流入又東南經靈壁入泗州  
界今河已涇塞有故隄尚存

又濬歸德睢河

注見  
前

使

河流入汴汴入睢睢入泗泗入淮以達海水患稍寧

秋七月詔求直言

京師霖雨南京風雷故有是詔

冬十二月甲申朔日食

賜故少保于謙謚

加贈光祿大夫上柱國謚忠愍立祠墓所賜額曰旌

功

後萬歷中  
改謚忠肅

庚戌三年春三月令天下設預備倉

每十里預積粟萬石及數為稱職過者旌擢不及者

罰之府州縣及軍衛官視此升黜

冬十一月有星孛于天津

晉書天文志天津九星橫河中主四瀆津梁

詔

預備倉之設固  
欲廣為儲蓄以  
御凶荒但良法  
天意亦當措置  
有方與于通行  
無阻若必十里  
而積粟萬石則  
勢難僻壤何所

取資勢必購糧  
糧穀欲興利而  
轉以滋弊況全  
州縣軍官皆以  
及數者為誼權  
則有司惟志在  
取盈必至橫征  
苛派累及閭閻  
尚何實惠之足  
言乎

# 羣臣言關失

大學士劉吉等言妖星見天津歷杵臼

案內杵三星  
內曰四星在

危宿  
逼管室

注見前

其占為兵為饑為水旱今兩畿河

南山西陝西旱蝗四川湖廣歲不登倘明年復然恐

盜賊竊發禍亂將作願陛下節用度罷宴遊屏讒言

斥異教留懷經史講求治道沙河

在昌平州南日南  
沙河下流與北沙

河合至義順  
縣入白河

修橋江西造磁器南海子繕垣牆俱非

急務宜悉停止帝嘉納之初吉在成化時無所規正

及帝即位見帝仁明同列徐溥劉健皆正人而告于  
閤臣居首兩人凡有論建吉每署名于前竊時譽以  
自蓋焉

京師地震

辛亥 四年春三月逮兩廣總督秦紘尋免歸

初紘涖鎮劾總兵官安遠侯柳景

景之孫

貪暴不法景

逮下獄法司論當死以連姻周太后家有與援反許

紘不已命逮紘并鞠詔宥景死紘亦罷歸

紘被逮時方議討後

山賊治軍事畢從容就道儀衛騎從不取損既踰嶺  
四服就繫謂官校曰兩廣地夷雜處總制體尊遠就  
拘執恐損國威既踰嶺  
真因矣人服其得體

### 夏六月地復震

### 秋八月封弟五人為王

祐楷

憲宗第九子

壽王

初封保寧後以政王世絕之藩祐安

祐禔

憲宗第十一子

汝王

之藩

祐檠

憲宗第十二子

涇王

之藩

祐柅

憲宗第十三子

榮王

正德中始

之藩

祐楷

憲宗第十四子

申王

未之

藩

申王

藩

申王

### 罷刑部尚書何喬新

乎宗初政清明  
此非成化時可  
比但既欲任人  
國治即當繼登  
止邪持以明斷  
乃劉吉懷私曲  
鄂魯挾怨妄  
彈致喬新竟不  
世其位以窮治  
而驗並不律以  
繼奏示警貪任  
而于魯僅予停  
休喬新亦聽其  
一休所堂之上  
漫無可否欽劉  
曰革忘頑自若

喬新執法不阿每重王恕輕劉吉吉銜之會喬新外

家與鄉人訟御史鄂魯

當塗人

劾奏喬新受賄曲庇吉

取中旨下諸人詔獄喬新乃拜疏乞歸先是魯覲還

大理丞喬新薦郎中魏紳

曲阜人

補之魯挾怨故有是

奏頃之窮治無驗魯停俸喬新亦遂致仕

吉每因事傾異已御

史姜洪出按湖廣與總漕都御史爭文移吉奏貶洪  
官又與中官蔣琮比誣南京給事中方向私壟後湖

田并御史姜綰等俱逮繫論罪洪等皆嘗劾吉者也  
故中之中外側目方向享與義桐城人姜綰字玉

卿弋陽入後湖即南北朝元武湖在上元縣北宋以  
後多淤為田明時置黃丹庫其中以官守之

而王恕彭韶諸人且相繼引去孝宗之不克大有所為實由仁厚多所容納少耳

九月以彭韶為刑部尚書

先是韶由刑部侍郎遷吏部與王恕甄人才覈功實仕路為清及是何喬新既罷帝以韶代之

冬十月以禮部尚書邱濬兼文淵閣大學士預機務

自景泰中王文以尚書入閣至是濬復繼之初內閣職任雖重叙官仍以尚書為尊濬在禮部時王恕亦在吏部雖同為尚書而位居恕下既入閣恕以已長六卿弗讓也濬不悅既而內宴

在六年十月

濬徑居恕上

班序復先朝是自有定制固無容爭執于其間況大臣當以和

長集事為期至重  
介懷仁次乃卸  
審入閣以後因  
王也弗讓居前  
心懷不悅輒于  
內宴時徑據上  
生妄自尊崇殊  
失敬共和衷之  
義濟稱得于學  
問者豈明于人  
而昧于已耶

其後由侍郎詹事入閣者班皆列六部尚書上矣

十二月土魯番獻還哈密城

阿哈瑪特既破哈密殺哈商而貢使頻至帝仍善待

之阿哈瑪特遣使借賽瑪爾堪貢獅子甘肅鎮守中  
官轉惠先圖形進帝納之比使還遣中官覓行命

內閣草勅劉吉等言番戎不宜優寵太過使輕中國  
事遂寢賽瑪爾堪古屬賓國注見前按賽瑪爾堪

舊作撒馬免宰今改由是阿哈瑪特以中國易與益桀傲已而

帝用馬文升耿裕字好問言拘留使臣卻貢物敕責

令悔罪阿哈瑪特警懼遣使叩闕願獻還哈密及前

阿里所掠金印

事具前

邊臣以聞許之至是果以城印

獻還乃釋所拘使臣而還之

鳳陽陵火

延九十餘里

召秦紘為南京戶部尚書

言官論紘無罪詔起之

戶部奏是歲天下戶口之數

戶九百十一萬三千四百四十六口五千三百二十

八萬一千一百五十八

子壬 五年春二月減陝西織造絨氍之半

巡按御史張文泰州人言陝西歲歉之後民病未甦司

禮監近下帖子降圖式織造數百事並宜停止以其

價振業貧民命減所織之半

三月立子厚照帝長子張皇后出為皇太子

夏五月求遺書

六月下御史彭程字萬里鄱陽人于獄尋遣戍

程巡視光祿寺見造皇壇祭器皇壇者憲宗修齋行法之所也程疏言光祿金錢皆民膏血用之得當猶恐病民況投無益之地先帝篤信李孜省繼曉輩意在求福今二人已伏辜不能自保焉能福人陛下如有此舉宜遏之將萌如無此舉論臣下逢迎之罪帝得疏以程暴揚先帝過失下錦衣獄令刑部定罪詰責光祿卿停其俸已而刑部擬程贖杖帝不許命與家屬並戍邊

秋八月劉吉罷

吉擅攬權勢以傾軋為能宜令其久玷府至是以迂見斥轉未當罪至時論以耐人彈擊目棉花固不免輕薄吉乃妄猜疑遷怒擊竟令三試不著盡阻其上之階逞臆行奸忠寔甚孝何輕聽其言加深察耶

帝即位初吉與萬安尹直並為言路所劾未幾安直皆去而吉獨留柄政既久權勢烜赫帝初頗加委任後眷亦漸衰而吉終無去志及是帝欲封后弟伯爵命吉撰誥券吉言必盡封二太后家子弟方可帝不懌遣中官至其家諷令致仕賜驛歸憲宗末有紙糊三閤老汪塑六尚書之謠以吉與萬安劉珏同在內閣尹旻殷謙周洪謨張鵬張瑩劉昭等長次部于君德闕失政事污濁俱無一語故以此譏之及吉為首輔言者攻之不已而吉自如人因呼為劉棉花以其耐彈也吉疑其言出下第舉子因請舉人三試不第者不得復會試時適當會試期舉子已群集都下禮部為請詔姑許入試後如令已而吉罷令亦不行吉歸踰年卒

冬十月更中鹽法

洪武時于各邊開中令商人募民墾種築臺堡自相保聚邊儲以充成化中始以銀易米然未嘗著為令至是戶部尚書

葉淇

字本清  
山陽人

召商納銀令運司類解太倉分給諸邊每引輸

銀三四錢有差視國初直加倍而商無守支之苦一時太倉銀累至數百萬然赴邊開中之法廢商屯撤業菽粟翔貴邊儲日虛矣

十一月停納粟例

初成化末開納米事例賑陝西河南諸省饑及是尚書王恕言  
永樂宣德正統間天下亦有災傷各邊亦有軍餉當時無納粟  
例糧不聞不足軍民不聞困弊比年來一遇災歉輒行捐例人  
既以財進身欲其砥廉隅為循吏豈可得也帝即命止之

癸丑六年春二月錄常遇春李文忠鄧愈湯和裔世襲指揮使

遇春元孫復文忠元孫璿愈五世孫炳和六世孫紹宗皆  
軍民雜處無職命世襲指揮使以奉先祀

河決張秋以劉大夏

字時雍  
華容人

為副都御史治之

河決張秋戴家廟

在東平州西

掣漕河與汶水合而非行遣工部侍郎

陳政

新昌人

督治政尋卒命廷臣會薦才識堪任者時大夏為

浙江左布政使以王恕薦賜敕遣之時河流湍悍決口濶九

十餘丈大夏行視之曰是下流未可治當治上流于是即決

口西南開月河三里許屬之舊河使通漕乃濬黃陵岡南賈

魯河由曹出徐以殺水勢又濬孫家渡口

在榮澤縣東南正統中河嘗決此

別

鑿新河導使南行由中牟潁川東入淮又濬祥符四府營淤河由

陳留至歸德分為二一由宿遷小河口一由亳州渦河俱會于淮然

後沿張秋兩岸築臺立表貫索網聯巨艦穴而窒之實以土至決口去室沉艦壓以大埽且合且決隨決隨塞連晝夜不息功乃成帝遣行人往勞改張秋名安平鎮大夏又言安平決口既塞下流已治黃陵岡居安平鎮之上流河口廣九十餘丈荆隆等口又居黃陵岡之上流其廣四百三十餘丈黃河至此寬漫奔放必築塞諸口導河上流使南下徐淮庶可為運道久安之計廷議如其言大夏乃興工

在八年正月

築塞黃陵岡及荆隆等口七處五旬而畢于是上流河勢

復歸蘭陽考城逕歸德徐州入運河會淮水東注于海南流故道以復

又築長隄

亘三百六十里

起胙城

注見前

抵徐州復築荊隆口

等隄

凡一百六十里

起于家店歷銅瓦箱

在蘭陽縣西北初名銅牙城元嘗置

縣後廢

大小二隄相翼潰決之患始息水大治乃召大

夏還

黃河自金明昌中南北分流其後南流盛而北流漸微明正統景泰間嘗東決大清河入海雖

時即修治而支渠猶有存者至黃陵岡既塞于是黃河始全入于海而北流遂絕

夏四月土魯番復據哈密

初土魯番既獻還哈密城馬文升言番人重種類且

素蒙古非蒙古後裔鎮之不可乃求故忠順王托克

托從孫善巴

舊作陝巴今改後倣此

襲封為王以恩克保喇

哈商

之弟舊作奄克喇今改後倣此

為都督同知阿穆呼朗為都督僉

事輔之已而諸番索善巴財弊不得皆怨阿穆呼朗

又引默克埒人掠土魯番牛馬阿哈瑪特怒至是潛

兵夜襲哈密執善巴支解阿穆呼朗仍令伊蘭據其

地事聞命兵部侍郎張海

德州人

都督同知緱謙前往

經畧

先是哈密變聞邱濬謂馬文升曰西域嗜利自古未有能為中國公一行文升曰西域嗜利自古未有能為中國

患者徐當靖之濬復以為言文升請行廷臣僉言北寇方強本兵不宜遠出乃推海謙往二人本庸才但

遣王魯番人歸諭其主令還侵地身駐甘州待之已而阿哈瑪特遣使叩關求貢詭言願還善巴及哈密廷議以番人誦詐欲棄善巴閉嘉峪關不通貢使海等聞之大喜不俟命遽逐王魯番使者封嘉峪關而還言官劾其罪並下吏貶秩

閏五月免應天蘇松田租

以水灾蠲租一百八十餘萬石

吏部尚書王恕罷

邱濬與恕不相能恕考察天下庶官已熟而濬調旨留之者九十餘人恕屢爭不能得因力求罷不許太

王恕力持銓政  
秉正不阿致為  
奸邪誣劾蒙垢  
而去其事實由  
于邱濬之陰懷  
害賢曲直固難  
逃公論然方恕  
以罷政退閑自  
宜杜門靜守何  
乃希心名譽輒  
欲以佳傳博取  
虛聲且令其刊  
布流傳使宵人  
得據為口實其  
自檢之疎固亦  
不能無責耳

醫院判劉文泰者求遷官為恕阻銜之文泰故往來

濬家知濬忤恕因劾恕變亂選法且言恕里居時屬

人作傳鏤版行之歷數先帝之失無人臣禮恕知文

泰受旨于濬乃奏辨亡賜廷鞫于是下文泰錦衣獄訊

狀詞果連濬

文泰疏中有云沽  
直諫君濬筆也

濬亦疏辨帝心不悅

恕乃賤文泰御醫責恕沽名令焚所鏤版置濬不問

恕遂連章求去聽馳驛歸

恕別歷中外五十餘年天下稱  
名臣必首推恕濬顧尼之

由是東論  
大不直濬

六月蝗

秋八月京師大雨雹

禮部尚書倪岳

字舜咨  
上元人

疏弭災急務勸帝勤聖學開

言路止無功之賞停不急之役黜奸貪進忠直帝嘉

納之

先是四方所報災異禮部于歲終類奏率為具  
文岳在部乃以日月先後彙分條析未復援証

經吏為帝  
盡切言之

刑部尚書彭韶罷

韶昌言正色與王恕何喬新稱三老然每為貴戚近

臣所疾故致仕去

甲寅七年春二月詔羣臣言闕失

去冬雷雹風雨拔孝陵樹故有是詔

三月巡撫貴州都御史鄧廷瓚

字宗器巴陵人

討平都勻苗

都勻苗也富架長脚等作亂命廷瓚提督軍務討之

廷瓚與兵備副使吳倬

淳安人

遣熟苗詐降富架誘入

寇伏兵擒之乘勝抵其巢連破百餘寨生擒長脚以

歸初成化中設程番府

即貴陽府注詳前

廷瓚知府事政平

令和苗蠻悅服及是復平苗亂乃上言都勻清平舊

設二衛

注俱見前

九長官司

曰都勻曰平浪曰邦水曰平州陸洞曰九名九姓曰豐樂曰樂平

曰平定曰陳蒙燭土

其人皆世祿恣虐激變至亂垂數十年今

始克定請于二衛改設流官與土官兼治于是設府

一曰都勻

即治衛城

州二曰獨山

即九名九姓長官司及是陞為州屬都勻府

麻哈

元麻峽縣明初為麻哈長官司及是陞為州屬都勻府

縣一曰清平

即治衛城

苗

患始息

命兩畿捕蝗

民捕蝗一斗給米倍之

秋七月京師地震

命工部侍郎徐貫

字源一  
淳安人

經理蘇湖水利

時三吳大水命貫疏濬水道貫上言東南財賦所出

而水患為多永樂初命夏原吉濬治時以吳淞江滯

沙浮蕩未克施工

事具前

逮今九十餘年港浦愈塞臣

督官相度地勢濬吳江長橋

即垂虹橋在縣東凡七十二洞蘇舜欽詩長橋

跨空古未有俗因名長橋

導太湖散入澱山

在浙江府清浦縣西與蘇州府崑山縣接

界水利志湖中

陽城

在蘇州府長洲縣東北東接崑山縣界

崑承

在蘇州府

常熟縣東南一名隱湖

等湖又開大石

在崑山縣東南趙屯

在清浦縣西北

等

浦洩澱山湖水由吳淞江入海開白魚洪鮎魚口

在吳

江縣西北即婁江上源也

等處洩崑承湖水由白茆港

注見前

入海

開斜堰

在崑山縣西北接常熟縣界

七浦

在昭文縣東南

鹽鐵

在常熟縣北

等

塘洩陽城湖水由七了港

一名七鴉浦七浦諸塘下流也

入海下流既

通于是開湖州之淩涇

在烏程縣西南

洩天目安吉

注見前

諸

山水自西南入太湖

吳興志都有七十二淩在烏程者三十八在長興者三十四等

舊志之水  
注于太湖

開常州之百瀆

在宜興縣通志昔人于震澤之口開瀆百條故名後

多湮塞其在縣西南者曰上瀆在縣東北者曰下瀆

洩溧陽鎮江練湖

在丹陽縣西北

即古曲阿後湖  
今名開家湖

之水自西北入太湖又開諸斗門以

洩運河之水由江陰入大江上流亦通不復堙塞

初

奉命奏以主事祝莘自隨及事竣凡修濬河涇港瀆湖塘斗門隄岸百三十五所役夫二千餘萬莘之功

居多 祝莘字

維貞海寧人

八月以李東陽

字賓之茶陵人以成籍居京師

為禮部侍郎兼翰林學

士典誥勅

東陽官太常少卿兼侍讀學士甚負文名及是大學士徐溥等以詔勅繁請如先朝王直故事設官專頌乃擢東陽入閣典之

九月南京地震

乙卯八年春正月甘肅總兵官劉寧敗寇于涼州

韃靼北部伊畢喇伊水王

舊作亦卜剌目王今改後倣此

等入套駐

特于是小王子及陀羅該子和碩

舊作火節今改後倣此

居賀

蘭山

注見前

後與之相倚數為邊患及是入犯涼州寧

與戰相持數日擒其長一入寇乃遁去

二月乙卯朔日食

武英殿大學士邱濬卒

諡文莊

濬先以目疾免朝參及是卒贈太傅

濬在位時以寬大啟上心忠厚

變士習顧性褊隘著書議論亦多偏激嘗譏范仲淹多事謂岳飛未必能恢復秦檜有再造功閭者無不

駭其言

以禮部侍郎李東陽少詹事謝遷俱兼翰林學士入內

閣預機務

論古貴有特識  
固不當勦說雷  
同亦豈可獨徇  
偏見邱濬謂岳  
飛之未必能恢  
復論雖未當尚  
從南渡時勢立  
言若范仲淹處  
三四夏尚且許  
和其失在于畏  
事而並非多事  
所見殊為柳鑒

至于奉檄誤國  
之罪其猶厥如  
而忽許其有再  
造功勳則是非  
貴足駭人間聽  
濬學問尚稱淹  
貫所稱大學衍  
義自謂其可見  
施行何許陽之  
謬不近人情乃  
至于此蘇軾稱  
苟卿好為放言  
高論而不顧如  
溶者殆更前之  
不如者耳

東陽與還同日並用還時居憂力辭服除始拜命東

陽工古文辭閣中疏草必屬之疏出多為入傳誦

秋七月以宋儒楊時從祀孔子廟廷

定國子監生分撥歷事期

初洪武中國子監設六堂

曰率性修道誠心  
正義崇志廣業

以課諸

生行積分法

司業二員分為左右各提調三堂凡通  
四書未通五經者居正義崇志廣業一

年半以上文理調暢者升修道誠心又一年半經史  
兼通文理俱優乃升率性升至率性乃積分其法孟  
月試本經義一道仲月試論一道詔詰表內科一道  
季月試經史策一道判語二條每試文理俱優者與

一分經優文劣者與  
半分純謬者無分

歲內積八分者為及格與出身

不及者仍坐堂肄業又命諸生于各司分習吏事

六部

九卿皆有之謂之歷事又謂之撥歷其期以入監年月為

先後送吏部選用

其超異者奏請上裁多擢顯官其常調者為府州縣六品以下官

已而進士日重監生日輕雖積分歷事不改初法而

監生漸多淹滯撥歷或至十餘年之久景泰以後乃

頻減撥歷歲月以疏通之每歲揀選優者輒與撥歷

坐監有未及一年者及是監生在監者少而吏部聽

選至萬餘人又不得官禮部尚書倪岳乃定議監生  
諸司歷事一依舊制必須日月滿後方許分撥由是  
諸生在監稍久而選人亦不至壅塞

時林瀚為祭酒以  
監生不敷撥

歷請增貢額岳亦議行之瀚典國學垂十年饒廉歲  
以百數計悉野之官以次營立署舍師儒免僦居自  
瀚始瀚少子廷機廷機子煉三世俱官祭酒有學行  
為時所稱林瀚字亨大閩人廷機字利仁煉字貢  
恒

冬十二月復哈密

阿哈瑪特既據哈密僭稱汗侵沙州迫罕東諸部附

己馬文升言此寇桀驁不大創終不知畏宜用漢陳

湯故事襲斬之以指揮楊翥熟番情召詢方畧翥備

陳哈密可取狀文升請于帝勅發罕東赤斤苦峪兵

命副將彭清

字源潔  
榆林人

將之隸巡撫許進

字季升  
靈寶人

往討

進令清統精騎出嘉峪關前行總兵官劉寧繼之越

八日諸軍俱會伊濟穆爾川

舊作羽集  
七川今改

夜半大雨雪

及明冒雪倍道進又六日奄至哈密城下拔之伊蘭

已先遁去乃斬其遺卒撫降餘衆而還

先是張海等  
既聞嘉峪關

永絕貢道諸番咸歸阿哈瑪特及是許進等復潛師  
直搗哈密阿哈瑪特益懼乃于十年冬送還善巴款  
關求貢朝廷許之仍命善  
巴為忠順王哈密復安

丙辰九年夏四年以周經字伯常陽曲人為戶部尚書

時帝寬仁而戶部尤奸蠹所萃挾勢行私者不可勝  
紀少不如意讒毀隨之經悉按祖宗成憲畧無所顧  
寬逋緩征裁節冗濫虛冒苛切之風少衰

下給事中龐泮字元化天台人御史劉紳掖縣人等于獄

岷王奏劾武岡知州劉遜安福人命錦衣官校逮之泮

等率科道官上言錦衣不宜輕遣遜所坐微而王奏牽  
左證百人勢難盡逮請勅撫按官體勘帝以親王劾  
一州官輒交章奏阻下判等給事中四十二人紳等  
御史二十人于獄六科署空吏部尚書屠濬  
鄧縣人請  
命尚寶司及中書代收部院封事侍讀學士楊守陞  
字維立鄧人  
貽書責濬濬乃率九卿申奏泮等得釋遜亦  
無事

六月詔舉將才

冬十二月刑部吏徐珪應城人請革束廠黜為民

刑部郎中丁哲隰縣人員外郎王爵安福人斷獄忤東廠

法司承太監楊鵬指擬哲等罪徒先是千戶吳能以女付媒者幣于樂

婦張後轉鬻樂工袁璚能殺妻璚訪得之女怒毋幣已詭言非已母爵與子刻女歸璚往賄不從訟于刑

部哲與爵同訊得情璚語不遜哲嘗璚數日死御史已驗瘞東廠中官楊鵬從子嘗與女淫遂教璚妻訟冤于璚且令前媒者証璚非女母鎮撫司論擬奏下法司廷訊女及媒者具吐實法司奏哲等因公杖人死罪當徒而珪不平抗疏曰臣在刑部三年每見鞠

問盜賊多東廠鎮撫司緝獲或校尉挾私誣陷或為

明季言官撫拾  
虛詞自托高論  
不過市名沽直  
究于實政無裨  
甚至明黨五分  
排擊異己更有  
害于國政人心  
孫磐所陳未嘗  
不切中時弊然  
欲定建言為四  
等則亦拘迂而  
未達實理蓋當  
時乾誣寃寃自  
氣與懷私參半


人報仇或受首惡職令旁人抵罪刑官洞見其情莫  
敢改正以致多枉殺人臣願陛下革去東廠以絕禍  
原則太平可致臣一介微軀自知不免與其死于虎  
口孰若死于朝廷願陛下斬臣首行臣言雖死無恨帝以  
其狂誕發原籍為民哲等放歸已而觀政進士孫磐  
遼陽上疏曰近者言官劾人率乘勢取而排觸奸倖  
反出胥吏議者羞之請定建言為四等最上彈劾權  
貴其次補拾闕遺又其次建白時政有裨國家皆分

石在上者果能  
必公聽剖決真  
何以最足非自  
可以息聲咏而  
除結習不此之  
務而紛紛第其  
而下又豈正本  
清源之道乎

別擢叙其粉飾文具循默不言者則罷黜之時不能

用後珪以薦累擢知州有平盜功磨為主事請  
盡撤還鎮守內臣不從累官至河南僉事

御批歷代通鑑輯覽卷一百六



總校官舉人臣章維桓

校對官學錄臣常循

謄錄監生臣許浚